

Фарзанд тарбияси (13-дарс)



11:12 / 15.12.2017 3591

Дарс бошланишида ота бир журнал ўқиётган эди.

Фотима: «Қўлингиздаги эътибор билан ўқиётганингиз нима, отажон?» деди.

Ота: «Бу, Фотима, **“Тавҳид”** журнали бўлиб, тавҳидни ёйиш ва унга даъват қилиш билан шуғулланади, бидъату хурофотларга қарши унда катта уламоларнинг фатволари ва мақолалари ўрин олган, тавҳид ва ақида масалалари чуқур эҳтимом ила ёритилади», деди.

Маҳмуд: «Тавҳид... Мен бу сўзни кўп эшитаман, бунинг маъноси нима, отажон?» деди.

Ота: «Тавҳиднинг маъноси – ибодатни улуғ Аллоҳагина қилишдир. Муваҳҳид Аллоҳга ибодат қилади, У Зотга ҳеч нимани шерик қилмайди. Исломга аввало тавҳид ила кирилади ва дунёдан охири тавҳид ила чиқилади.

Муоз ибн Жабал розийаллоҳу анҳудан ривоят қилинадиги, Набий соллаллоҳу алайҳи васаллам:

“Кимнинг охирги сўзи “Лаа илааҳа иллаллоҳ” бўлса, жаннатга киради”, деганлар.

(Абу Бовуд ривояти.)

Ишнинг аввали ва охири тавҳиддир.

Тавҳид уч турга бўлинади», деди.

Фотима: «Бу уч тур қайсилар, отажон?» деди.

Ота деди: «1. Улуҳият тавҳиди; 2. Рубубиёт тавҳиди; 3. Исм ва сифатлар тавҳиди».

Маҳмуд: «Отажон, менинг бир дўстим бор, у билан бирга ўқиймиз. Кунни кеча у ўқишга келмади, у ҳақда сўрасам, касал бўлиб қолибди. Буни устозимга айтган эдим, устозим: “Албатта уни кўргани ҳаммамиз бирга борамиз”, деди. Бугун устозим ва дўстларим билан уни кўришга борсам бўладими?» деди.

Ота деди: «Аллоҳнинг сенга баракаси бўлсин, ўғлим. Дўстинг келмаганида у ҳақда сўраб ҳамда устозингни хабардор қилиб яхши иш қилибсан. Устозинг ва дўстларинг билан касал дўстингни кўришга боришингдан хурсандман. Мусулмоннинг мусулмондаги ҳаққи – касал бўлганда бориб кўриш ва:

هَلَلْ لَإِشْنِ رُوْطَ سَابِ اَل

“Ла ба‘са тоҳурун иншааллоҳ”

“Ҳечқиси йўқ, Аллоҳ хоҳласа, покланишдир”, дейиш.

(Имом Бухорий ривояти.)

Сўнгра унинг ҳаққига дуо қилиб, етти марта шундай дейиш керак:

كَيْفَ اَغْيَا وَ كَيْفَ شَيْءٍ نَأْمِي طَعَلْ اَشْرَعَلْ اَبْرَمَ طَعَلْ اَلْاَسْأ

«Асалуллоҳал ъазима Роббал ъаршил аъзийм айашфийака ва юъаафийк».

(Маъноси: «Буюк арш Роббиси бўлган буюк Аллоҳдан сенга шифо беришини ва сенга офият беришини сўрайман».)

(Абу Довуд ва Термизий ривояти.)

Маҳмуд: «Аллоҳ хоҳласа, шундай қиламан, отажон!» деди.

Фотима: «Бугун Аллоҳнинг гўзал исмларидан қайсиларини ёдлаймиз, отажон?» деди.

Ота: «Аллоҳнинг гўзал исмларидан **Қорийб** (яқин, ижобат этади, кўриб туради, билиб туради, маънавий яқиндир), **Васиъ** (кенг – ҳамма нарсани кенг илми ила қамраб олади; барчани кенг раҳмати ила қамраб олган), **Ҳаким** (ҳар бир нарсани ҳикмат ила қилувчи), **Вадуд** (барчага яхшилиқни раво кўрувчи), **Мажид** (шон-шарафи ва қадри баланд, чексиз) бордир», деди.

Маҳмуд: «Дарҳақиқат, Аллоҳнинг улуғлиги чексиз ва У Зотга ҳеч ким, ҳеч нарса тенг келмас», деди.

Ота: «Дарсни сизларга бир оддий савол бериб тугатмоқчиман. Қани айтинглар-чи, бутун борлиқ, осмонлару ерлар, ҳамма одамлар, ҳамма махлуқотларни ким яратган? Ким уларнинг эгаси?» деди.

Маҳмуд: «Аллоҳ уларни йўқдан бор қилган ва уларнинг эгасидир» деди.

Фотима: «Шунинг учун бутун борлиқ Аллоҳ буюрганидек туради, шунинг учун инсон Аллоҳга итоат қилиши шарт. Бору йўқ барча нарсалар У Зотникидир», деди.

Ота: «Бу жавобингиз билан мени жуда хурсанд қилдингиз, суюклиларим. Лекин кўпгина одамлар буни билсалар ҳам, Аллоҳга бутунлай бўйсунмайдилар», деди.